

AGENDRE TRINITATIS

MINGGU 06 SEPTEMBER 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 11**

11. HE LOWALANGIMA

do = g 4/4

MM = 104 - 112

1. He Lowalangima, Fondrege Zalaŵa, tema ae wasumangeta.
Tödö-U tödö Nama, lö sa aefa khöma, he asese elunguga
Tolo na ndra' aga, böi ya mo' aetufa, wanunö dödöma.
2. He banua yaŵa, Lowalangi suno, fa' abölö-Nia tunö.
He luo ba baŵa, döfi ba mbanua, misunosuno Zo' aya.
Niwöwöi Yehowa mi' oigö manunö, So' aya misuno.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

- SATO** : YADUHU
SA : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

- SA** : **Manunö** : BZ. : 452

Haleluya..... Haleluya..... Haleluya.....

- SA** : Mangandrö ita :
He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 222

222. LÖ FA' ATULÖ KHÖDA FEFU

Lala : Ha Yesu Zi Fahuwu Khöda (No. 310)

do = es 3/4

MM = 96 - 104

1. Lō fa' atulō khōda fefu, fa' ohahau lō musōndra.
Asese wa olotu dōdō, fa' ogōmi gera' era.
Ha Yesu dōtōnafōda, sangatuō' ō ya' ita.
2. Lō fa' atulō khōda fefu, me fahōna wayaŵasa.
Da mōi ita nihaogō Yesu, me sebolō tōdō Ia.
Ha Yesu dōtōnafōda, sangatulō' ō ya' ita.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalō moroi ba zura **II Moze 20:1-17**

1. Ba iwa'ō daroma li andrō fefu Yehowa, imane:
2. Ya'odo Yehowa Lowalangu, si no mangeheta ya'ugō ba danō Miserayi andrō, ba zi no mōi sawuyu ami.
3. Bōi so khōmō Lowalangi tánō bō'ō, baero ndra'o.
4. Bōi fazōkhi khōu nadu, ba he famaedo hadia ia, he si so si yawa ba mbanua, ba he si so si tou ba guli danō, ba he si so ba nidanō, barō danō.
5. Bōi angalulu khōnia ba bōi fosumange ia, me no Lowalangi solohu ndra'o, ya'odo andre, Yehowa, Lowalangu, sanguhuku horō ndra ama ba ndraono ba ba ma'uwu mitou, khōra si fatiu tōdō khōgu,
6. ba si hakhōsi tōdō sangomasi'ō ya'o ba solo'ō oroisagu; irugi hōnō nga'ōtō.
7. Bōi tōtōi dōi Lowalangu Yehowa ba waya; lō'ō sa zi lō ihuku Yehowa zanōtōi tōinia ba waya.
8. Ame'egō tōdō luō wolombase andrō, ba we'amoni'ō ya'ia.
9. Ōnō ngaluo mohalōwō ndra'ugō ba ōhalō halōwōu fefu.
10. Ba ero fitu bongi, ba luō wolombase khō Lowalangu Yehowa; bōi babaya hadia ia halōwō ba da'ō, he ya'ugō, ba he onou matua, ba he onou alawe, ba he sangai halōwō khōu ira matua ba he sangai halōwō khōu ira alawe, ba he urifōu, ba he si fatewu khōu ba mbanuami bakha.
11. Ōnō ngaluo sa mege khō Yehowa, ba wamazōkhi banua si yaw~a, awō danō, awō nasi, awō nōsira fefu; ba ba luō si fitu, ba no molombase ia. Andrō wa no ifahawu'ō luō si fitu andrō Yehowa, ba no i'amoni'ō.
12. Fosumange namau, awō ninau, ena'ō anau nosou ba danō, nibe'e Lowalangu Yehowa khōu.
13. Bōi ange'e.
14. Bōi ohorō.
15. Bōi anagō.
16. Bōi bōbōgō khō nawōu zi lō duhu.
17. Bōi isō nomo nawōu. Bōi isō wo'omo nawōu ba he sangai halōw~ō khōnia ira matua, ba he sangai halōwō khōnia ira alawe, ba he ōrōbaonia, ba he kudonia, ba he hadia ia, fefu, nibayabaya nawōu.

Simanō daroma Li Lowalangi, da tatema'ō faoma sinunō: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo'aya, mi bè zumange-Nia.
Mi 'ebua 'ō dōi-Nia, sotōi banua-Nia.
Me no Ikaoni gōi ami, afu mitemawa'au ri, khō Yesu, Sangorifi.

5. FANGANDRÖ FANGEFA HORÖ

SA : Ya'ami ira talifusö'
Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :
He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma höröma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma höröma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

- 1. Na'ubini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

SA : **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

- 1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHUAO (AB)

- : Da tafondrondrongo daroma Li Lowalangi, tehalö moroi ba zura **Roma 13:8-10**
- 8. Boi mo'ömmö ami hadia ia, gofu ha ökhö, ha fa faoma mi'omasi'ö nawömi; sangomasi'ö awönia sa, ba no i'o'ö goroisa.**
- 9. Oroisa andrö sa: "Böi ohorö!" "böi ange'e!" "böi anagö!" "böi angisö!"**
ba hadia ia goroisa bö'ö, ba no tefarahugö ba niwa'ö andrö: "Omasi'ö zahatö khöu, si mane fa'omasiu ndra'ugö".
- 10.Fa'omasi andrö, ba lö ilau zi lö sökhi khö nawönia, andrö wa folo'ö oroisa wa'omasi andrö.**

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

\ **SA** : Iada'e tebe'e khöda ginötö ba wolohe fasömbata si sambua ni'ofulu khö Lowalangi. Nidönia'ö Pendeta Pengkhotbah.

SA : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrue awö zi medölu. Ba si föföna ua da tafondrondrongo Li Lowalangi me imane:
❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

SA : Tafa'ema wasömbata khö Lowalangi, manunö ita moroi ba Mbuku Zinunö

Numero 258

258. NO OYA MBUALAU KHÖGU

do = g 2/4
MM = 88 – 96

1. No oya mbuala-U khögu, ba mbotogu ba nosogu.
Hanu-hanu, fa' aurigu, fa ' abölö, okhötagu.
No fa ' omasi-U Yesu, sagötö fekoligu.
2. No aboto ba dödögu, mbuala-U ba wa' aurigu.
Andrö tumbu ba dödögu, wame' e fasömbatagu.
Ubè sumange-U Yesu, me no Ya' ugö gumbu.
3. Angandröwagu khö-U Yesu, böi böda danga-U yaŵagu.
A' aro' ö wamatigu, fahowu' ö wa' aurigu.
Tema wasömbatagu, fangebua mbanua-U.
4. Ha Ya' ugö gubalogu, gofu heza döröwagu.
Lö mofozu wa' aurigu, na lö fao Ndra' ugö khögu.
Ululu wa' aurigu, amatöröwa-U Yesu.
5. Abölö' ö na ndra' odo, wolo' ö taromali-U.
Ya maulu wa' omasigu, mane fa' omasi-U khögu.
Hagainido Eheha-U, afu anau gölögu.

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ¹

Ira'alawe□

1. Ya ' e zumange fasömbata, ma ' ohe sumange Yehowa.
Iramatua
Reff :Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
3. Ya'e zumange fasömbata buala si'otarai Nama.
Reff : Ma'andrö khö-U
4. Ya'e zumange fasömbata, boto, noso, ba fa'aurima
Reff : Ma'andrö khö-U
5. Ya'e zumange fasömbata, lö irugi zomasi dödö-U.
Reff : Ma'andrö khö-U
6. Ya'e zumange fasömbata, ma'aohasi gölö Zo'aya.
Reff : Ma'andrö khö-U

FANGANDRÖ : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni' owuloi andrö)*

8. KOOR/VOKAL GROUP

- SA :** Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat Tuwuna
 - b. Kegiatan Koremda
 - c. Kegiata sektor 1
 - d.

9. MANUNÖ

- SA :** Da tafa'anö dödöda wamondrondrongo taroma Li Lowalangi, manunö ita moroi

Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUAO SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *Luka / Lukas 10:25-37 (Tuho Migu: Fa'omsi khö Lowalangi ba ba Nawöda Niha / Kasih Kepada Allah dan Sesama Manusia)*
 - b. Fanuriaigö
 - c. Nitano ba dödö. *Roma / Roma 13:10 (Fa'omasi andrö, ba lö ilau zi lö sökhi khö nawönia, andrö wa folo'ö oroisa wa'omasi andrö. / Kash tidak berbuat jahat terhadap sesama manusia, karena itu kasih adalah kegenapan hokum Taurat.)*
 - d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU²

1. No mafondrondrongo li-U, Lowalangi So ' aya. Tanö ba dödöma ia, fa böi olifuga. Fahowu 'ö ia khöma, ena ' ö ohahau dödöma fefu. Heta ba dödö zi lö sökhi, ma'o ' ö niwa 'ö-U.

11. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
- ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

14. MANUNÖ

SA : Manunö ita moroi ba Mbuku Zinunö **numero: 463 ayati 1-2**

463. HARE FONDREGE ZI SÖKHI

do = bes 4/4

MM = 96 – 104

1. Fa ' omasi Lowalangi, no fondrege zebua böli.
Ifatenge Zangöhöli, ba wangorifi samati.
Hare fondrege zi sökhi, röfa Yesu tatöngöni.
Da ' ö zinema zamati, nibè Lowalangi.
2. Tefangelama zamati, so gafökha si lö sökhi.
Afunia tefabali, faröi niha ba wamati.
Reff: Hare fondrege zi sökhi,

15. FANGANDRÖ SALAHI + FAMATENGGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGGE + HOWUHOWU** :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'la ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **279 ayati 3**

463. HARE FONDREGE ZI SÖKHI

do = bes 4/4

MM = 96 – 104

3. So gafökha sondrönisi, samè lakhö fangalani.
Ifaelungu, i' u' uni, ifesu zambö famati.
Reff: Hare fondrege zi sökhi,

SH : **YA'AHOWU**

SATO : **YA'AHOWU**